



JABATAN PERKHIDMATAN VETERINAR
Department Of Veterinary Services
Kementerian Pertanian dan Keterjaminan Makanan
Wisma Tani, Blok Podium Lot 4G1 & 4G2
No. 28 Persiaran Perdana, Presint 4
62630 PUTRAJAYA
MALAYSIA

Tel : 603-8870 2000
Faks : 603-8888 6021
E-mel : pro@dvs.gov.my
Laman Web : www.dvs.gov.my

SIARAN MEDIA

MAJLIS PELANCARAN

MAJLIS PEMETERAIAN MEMORANDUM PERSEFAHAMAN ANTARA JABATAN PERKHIDMATAN VETERINAR BERSAMA AGENSI-AGENCI LUAR & PERTUKARAN NOTA KERJASAMA STRATEGIK ANTARA JABATAN PERTANIAN BERSAMA UNIVERSITI PUTRA MALAYSIA

20 SEPTEMBER 2024 | DEWAN A, MAEPS, SERDANG

SERDANG, 20 September- YBhg. Datuk Azah Hanim Binti Ahmad, Timbalan Ketua Setiausaha Kementerian Pertanian dan Keterjaminan Makanan (KPKM) hari ini menyaksikan Majlis Pemeteraian Memorandum Persefahaman (MoU) Antara Jabatan Perkhidmatan Veterinar (DVS) Bersama Agensi-Agensi Luar & Pertukaran Nota Kerjasama Strategik Antara Jabatan Pertanian Bersama Universiti Putra Malaysia bertempat di Dewan A, MAEPS, Serdang, Selangor.

Dalam majlis tersebut, DVS melancarkan empat (4) Memorandum Persefahaman manakala satu (1) Pertukaran Nota Kerjasama Strategik DOA bagi mengukuhkan jalinan kerjasama strategik atau *Smart Partnership* bersama-sama dengan agensi luar iaitu:

3.1 MOU DVS-UM bertujuan untuk melaksana program penyelidikan dalam bidang pembiakan ternakan yang terancang bagi mengeksploitasi Bahan Genetik dan meningkatkan kualiti genetik ternakan berpotensi komersil.

3.2 **MOU DVS-UPM** bertujuan untuk memperkuat, memupuk dan mengembangkan kerjasama dalam bidang latihan, penyelidikan dan pembangunan dalam bidang Sains Veterinar dan Penternakan Haiwan.

3.3 **MOU-UPM-MBSP-KHL-SASA dan MOU DVS-UPM-MBPP-IAPWA** yang bertujuan untuk mengkaji persepsi orang awam dan kebajikan anjing yang dilepaskan semula di bawah Program *Trap-Neuter-Release and Manage* (TNR-M) di Seberang Perai / Pulau Pinang. Selain dari menjalankan penyelidikan/ kajian, kerjasama ini juga menumpukan kepada perkongsian kepakaran, maklumat serta menjalankan latihan dan kempen kesedaran kebajikan haiwan terutamanya anjing terbiar kepada masyarakat Malaysia khususnya penduduk Pulau Pinang dan Seberang Perai.

3.4 **NOTA KERJASAMA STRATEGIK DOA-UPM** bertujuan memupuk dan memperkukuhkan kerjasama dua hala antara Jabatan Pertanian dan UPM yang merangkumi setiap komponen sepanjang rantai pengeluaran makanan subsektor tanaman.

Kementerian Pertanian dan Keterjaminan Makanan (KPKM) melalui jabatan/ agensi di bawahnya sentiasa komited memperluas dan mengukuhkan kerjasama dengan pelbagai pihak bagi memastikan tahap keterjaminan makanan negara stabil.

**JABATAN PERKHIDMATAN VETERINAR
KEMENTERIAN PERTANIAN DAN KETERJAMINAN MAKANAN (KPKM)
20 SEPTEMBER 2024**